



Broj: 07-19-2073/26
Sarajevo, 22.06.2026. godine

Bosna i Hercegovina
Federacija Bosne i Hercegovine
Kanton Sarajevo
SKUPŠTINA KANTONA SARAJEVO
Sekretar Skupštine Kantona Sarajevo

Predmet: Odgovor na dostavljenu zastupničku inicijativu zastupnice Sanele Klarić, upućenu na 31. radnoj sjednici Skupštine Kantona Sarajevo

Veza: Vaš akt broj: 01-04-31246/26 od 17.06.2026. godine

Dana 19.06.2026. godine, Zavod za planiranje razvoja Kantona Sarajevo (u daljnjem tekstu: Zavod) je zaprimio zastupničku inicijativu zastupnice Sanele Klarić, upućenu na 31. radnoj sjednici Skupštine Kantona Sarajevo održanoj 17.06.2026. godine. Inicijativom se traži da Ministarstvo saobraćaja Kantona Sarajevo u saradnji sa nadležnima iz Kantona i organa lokalne samouprave, pokrenu aktivnosti izrade Studije izvodljivosti izgradnje zaštite od buke na brzim cestama, transferzalama na cijeloj teritoriji KS koje prolaze kroz naselja, odnosno da Vlada Kantona Sarajevo na čelu sa Ministarstvom saobraćaja KS i zajedno sa drugim resornim ministarstvima i institucijama, planira u rebalansu budžeta 2026. godine ili budžetu za 2027. godinu sredstva za projektovanje i izgradnju elementara zvučne zaštite prema posljednjim savremenim standardima gradnje ovih elemenata zaštite.

Postupajući po predmetnoj inicijativi ističemo da je članom 23. Zakona o ministarstvima i drugim organima uprave („Službene novine Kantona Sarajevo“ broj 40/22), određeno da je djelokrug rada Zavoda izrada planova prostornog uređenja, planiranje prostornog i društveno-ekonomskog razvoja, rad i razvoj geografsko-informacionog sistema Kantona kao i drugi poslovi po nalogu Vlade KS.

Odredbama Zakona o prostornom uređenju KS („Službene novine Kantona Sarajevo“ br. 24/17 i 1/18), definisano je da je nadležnost Zavoda izrada prostorno-planske dokumentacije (prostorni planovi, urbanistički planovi, regulacioni planovi i sl.). Shodno navedenom, Zavod planskim dokumentima definiše načela planskog uređenja prostora, korištenje i namjenu prostora, utvrđuje urbanističko-tehničke uslove i smjernice za uređenje i zaštitu prostora i građenje, odnosno između definiše građevine i koridore magistralne i druge infrastrukture od značaja sa zaštitnim infrastrukturnim pojasevima (saobraćajna, vodoprivredna, energetska, telekomunikaciona i druga infrastruktura).

Ističemo da su Zakonom o cestama Kantona Sarajevo ("Službene novine Kantona Sarajevo", br. 1/22) određeni upravitelji cesta koji su zaduženi za upravljanje, građenje, rekonstrukciju, održavanje i zaštitu regionalnih i lokalnih cesta, gradskih ulica i javnih staza, te su svako u okviru svoje nadležnosti zaduženi između ostalog i za pripremu dugoročnih i srednjoročnih planova razvoja cesta, održavanja, zaštite, rekonstrukcije, izgradnje i obnove.

Slijedom iznesenog, Zavod će kroz izradu prostorno-planske dokumentacije, a shodno zakonskim ovlaštenjima, predmetnu inicijativu uvažavati kroz svoj djelokrug rada.

Napominjemo da je Zavod istu zastupničku inicijativu zaprimio dva puta, i to inicijativu broj: 01-04-32093-66/24 od 05.11.2024. godine, na koju je dostavio svoj odgovor početkom decembra 2024. godine, te inicijativu broj: 01-04-34176-7/25 od 16.06.2025. godine, na koju je dostavio svoj odgovor početkom jula 2025. godine.



Direktor
Faruk Muharemović, Mr. dipl.ing.arh.

Dostaviti:

- naslovu
- Sekretar Vlade KS
- a/a